

ZHONG HUA WEN XUE MING ZHU BAI BU

WEN XUE MING ZHU BAI BU

中华 文学 名著百部

新疆青少年出版社

齐豫生
夏于全

主编

中华文学名著百部

第二十六部

新疆青少年出版社

责任编辑:杜芳清

封面设计:张诗伟

图书在版编目(CIP)数据

中华文学名著百部. 第26部, 古典散文篇/齐豫生, 夏于全主编. —乌鲁木齐: 新疆青少年出版社, 2000. 4

ISBN 7-5371-3677-7

I. 中... II. ①齐... ②夏... III. 古典散文—作品集—中国

IV. I211

中国版本图书馆 CIP 数据核字(2000)第 08806 号

中华文学名著百部

齐豫生 主编
夏于全

新疆青少年出版社出版发行

(乌鲁木齐市胜利路 100 号 邮编: 830001)

全国新华书店经销 河北省沙河市第二印刷厂印刷

850×1168 毫米 32 开本 1100 印张 35000 千字

2000 年 4 月第 1 版 2000 年 4 月第 1 次印刷

印数: 1—2000 册

ISBN7-5371-3677-7/I·1347 全套定价: 3988.00 元

如有印装质量问题请直接同印刷厂调换

第二十六部书目

汉书(中) (381)

第二十六部目录

汉 书 · 中

卷二十八上 地理志第八上	(381)
卷二十八下 地理志第八下	(399)
卷二十九 沟洫志第九	(416)
卷三十 艺文志第十	(423)
卷三十一 陈胜项籍传第一	(439)
卷三十二 张耳陈馥传第二	(450)
卷三十三 魏豹田儋韩〔王〕信传第三	(454)
卷三十四 韩彭英卢吴传第四	(458)
卷三十五 荆燕吴传第五	(469)
卷三十六 楚元王传第六	(475)
卷三十七 季布栾布田传第七	(488)
卷三十八 高五王传第八	(491)
卷三十九 萧何曹参传第九	(496)
卷四十 张陈王周传第十	(501)
卷四十一 樊郤滕灌傅靳周传第十一	(514)
卷四十二 张周赵任申屠传第十二	(520)
卷四十三 郤陆朱刘叔孙传第十三	(523)
卷四十四 淮南衡山济北〔王〕传第十四	(531)
卷四十五 蒯伍江息夫传第十五	(537)
卷四十六 万石卫直周张传第十六	(546)
卷四十七 文三王传第十七	(549)
卷四十八 贾谊传第十八	(553)
卷四十九 爰盎晁错传第十九	(563)
卷五十 张冯汲郑〔传〕第二十	(573)

卷五十一	贾邹枚路传第二十一·····	(578)
卷五十二	窦田灌韩传第二十二·····	(589)
卷五十三	景十三王传第二十三·····	(597)
卷五十四	李广苏建传第二十四·····	(604)
卷五十五	卫青霍去病传第二十五·····	(613)
卷五十六	董仲舒传第二十六·····	(620)
卷五十七上	司马相如传第二十七上·····	(629)
卷五十七下	司马相如传第二十七下·····	(634)
卷五十八	公孙弘卜式兒宽传第二十八·····	(640)
卷五十九	张汤传第二十九·····	(646)
卷六十	杜周传第三十·····	(652)
卷六十一	张骞李广利传第三十一·····	(659)
卷六十二	司马迁传第三十二·····	(664)
卷六十三	武五子传第三十三·····	(672)
卷六十四上	严朱吾丘主父徐严终王贾传第三十四上·····	(680)
卷六十四下	严朱吾丘主父徐严终王贾传第三十四下·····	(689)
卷六十五	东方朔传第三十五·····	(696)
卷六十六	公孙刘田王杨蔡陈郑传第三十六·····	(704)
卷六十七	杨胡朱梅云传第三十七·····	(712)
卷六十八	霍光金日磾传第三十八·····	(718)

汉 书 中

汉书卷二十八上

地理志第八上

昔在黄帝，作舟车以济不通，旁行天下，方制万里，画野分州，得百里之国万区。是故《易》称“先王建万国，亲诸侯”，《书》云“协和万国”，此之谓也。尧遭洪水，怀山襄陵，天下分绝，为十二州，使禹治之。水土既平，更制九州，列五服，任土作贡。

曰：禹敷土，随山刊木，奠高山大川。

冀州既载，壶口治梁及岐。既修太原，至于岳阳。覃怀底绩，至于衡章。厥土惟白壤。厥赋上上错，厥田中中。恒、卫既从，大陆既作。鸟夷皮服。夹右碣石，入于河。

沛、河惟兖州。九河既道，雷夏既泽，雍、沮会同，桑土既蚕，是降丘宅土。厥土黑纹，草繇木条。厥田中下，赋贞，作十有三年乃同。厥贡漆丝，厥莱织文。浮于汶，通于河。

海、岱惟青州。岨夷既略，惟、岱其道。厥土白坟，海濒广谿。田上下，赋中上。贡盐、絺，海物惟错，岱畎丝、枲、枲、松、怪石，莱夷作牧，厥莱采丝。浮于汶，达于沛。

海、岱及淮惟徐州。淮、沂其义，蒙、羽其艺。大野既猪，东原底平。厥土赤埴坟，草木渐包。田上中，赋中中。贡土五色，羽畎夏狄，峰阳孤桐，泗滨浮磬，淮夷蜃珠泉鱼，厥莱玄纁。浮于淮、泗，达于河。

淮、海惟扬州。彭蠡既猪，阳鸟道居。三江既入，震泽底定。棊簋既敷，草夭木乔。厥土涂泥。田下下，赋下上错。贡金三品，瑶、琨、棊簋，齿、革、羽毛，鸟夷卉服，厥莱织见，厥包橘、柚，锡贡。均江海，通于淮、泗。

荆及衡阳惟荆州。江、汉朝宗于海。九江孔殷，沱、潜既道，云梦土作义。

厥土涂泥。田下中，赋上下。贡羽旄、齿、革，金三品，杶、幹、栝、柏，厉、砥、矟、丹，惟箇箬、栝，三国底贡厥名，包匭菁茅，厥棐玄纁组组，九江纳锡大龟。浮于江、沱、灏、汉，逾于洛，至于南河。

荆、河惟豫州。伊、洛、瀍、润既入于河，荥、波既猪，道荷泽，被盟猪。厥土惟壤，下土坟垆。田中上，赋错上中。贡漆、象、絺、纁纁，锡贡磬错。浮于洛，入于河。

华阳、黑水惟梁州。岷、嶓既艺，沱、灏既道，蔡、蒙旅平，和夷底绩。厥土青黎。田下上，赋下中三错。贡璆、铁、银、镂、柝、磬，熊、黑、狐、狸、织皮。西顷因桓是徕，浮于灏，逾于沔，入于渭，乱于河。

黑水、西河惟雍州。弱水既西，泾属渭汭。漆、沮既从，酆水迺同。荆、岐既旅，终南、惇物，至于鸟鼠。原隰底绩，至于猪野。三危既宅，三苗丕叙。厥土黄壤。田上上，赋中下。贡球、琳、琅玕。浮于积石，至于龙门西河，会于渭汭。织皮昆仑、析支、渠叟，西戎即叙。

道汧及岐，至于荆山，逾于河，壶口、雷首，至于大岳，底柱、析城，至于王屋，太行、恒山，至于碣石，入于海。西倾、朱圉、鸟鼠，至于太华，熊耳、外方、桐柏，至于倍尾。道嶓冢，至于荆山，内方，至于大别，嶓山之阳，至于衡山，过九江，至于敷浅原。

道弱水，至于合黎，余波入于流沙。道黑水。至于三危，入于南海。道河积石，至于龙门，南至于华阴，东至于底柱，又东至于盟津，东过洛汭，至于大伾，北过降水，至于大陆，又北播为九河，同为逆河，入于海。嶓嶓道漾，东流为汉，又东为沧浪之水，过三澨，至于大别，南入于江，东汇泽为彭蠡，东为北江，入于海。嶓山道江，东别为沱，又东至于醴，过九江，至于东陵，东迤北会于汇，东为中江，入于海。道沔水，东流为沔，入于河，轶为荥，东出于陶丘北，又东至于荷，又东北会于汶，又北东入于海。道淮自桐柏，东会于泗、沂，东入于海。道渭自鸟鼠同穴，东会于酆，又东至于泾，又东过漆、沮，入于河。道洛自熊耳，东北会于涧、瀍，又东会于伊，又东北入于河。

九州道同，四奥既宅，九山刊旅，九川涤原，九泽既陂，四海会同。六府孔修，庶土交正，底慎财赋，咸则三壤，成赋中国。锡土姓：“祗台德先，不距朕行。”

五百里甸服：百里赋内总，二百里内铨，三百里内夏服，四百里粟，五百里米。五百里侯服：百里采，二百里男国，三百里诸侯。五百里绥服：三百里揆文教，二百里奋武卫。五百里要服：三百里夷，二百里蔡。五百里荒服：三百里

蜜，二百里流。东渐于海，西被于流沙，朔、南、伯，声教訖于四海。

禹锡玄圭，告厥成功。

后受禅于虞，为夏后氏。

殷因于夏，亡所变改。周既克殷，监于二代而损益之，定官分职，改禹徐、梁二州合之于雍、青，分冀州之地以为幽、并。故《周官》有职方氏，掌天下之地，辨九州之国。

东南曰扬州：其山曰会稽，藪曰具区，川曰三江，浸曰五湖；其利金、锡、竹箭；民二男五女；畜宜鸟兽，谷宜稻。

正南曰荊州：其山曰衡，藪曰云梦，川曰江、汉，浸曰潁、湛；其利丹、银、齿、革；民一男二女；畜及谷宜，与扬州同。

河南曰豫州：其山曰华，藪曰圃田，川曰荥、洛，浸曰波、澨；其利林、漆、丝枲；民二男三女；畜宜六扰，其谷宜五种。

正东曰青州：其山曰沂，藪曰孟诸，川曰淮、泗，浸曰沂、沐；其利蒲、鱼；民二男三女；其畜宜鸡、狗，谷宜稻、麦。

河东曰兖州：其山曰岱，藪曰泰野，其川曰河、洧，浸曰卢、雒；其利蒲、鱼；民二男三女；其畜宜六扰，谷宜四种。

正西曰雍州：其山曰岳，藪曰弦蒲，川曰泾、汭，其浸曰渭、洛；其利玉、石；其民三男二女；畜宜牛、马，谷宜黍、稷。

东北曰幽州：其山曰医无闾，藪曰纒养，川曰河、洧，浸曰菑、时；其利鱼、盐；民一男三女；畜宜四扰，谷宜三种。

河内曰冀州：其山曰霍，藪曰扬纒，川曰漳，浸曰汾、潞；其利松、柏；民五男三女；畜宜牛、羊，谷宜黍、稷。

正北曰并州：其山曰恒山，藪曰昭余祁，川曰唐池、呕夷，浸曰涑、易；其利布帛；民二男三女；畜宜五扰，谷宜五种。

而保章氏掌天文，以星土辨九州之地，所封封域皆有分星，以视吉凶。

周爵五等，而土三等：公、侯百里，伯七十里，子、男五十里。不满为附庸，盖千八百国。而太昊、黄帝之后，唐、虞侯伯犹存，帝王图籍相踵而可知。周室既衰，礼乐征伐自诸侯出，转相吞灭，数百年间，列国耗尽。至春秋时，尚有数十国，五伯迭兴，总其盟会。陵夷至于战国，天下分而为七，合从连衡，经数十年。秦遂并兼四海。以为周制微弱，终为诸侯所丧，故不立尺土之封，分天下为郡县，荡灭前圣之苗裔，靡有孑遗者矣。

汉兴，因秦制度，崇恩德，行简易，以抚海内。至武帝攘却胡、越，开地斥

境，南置交趾，北置朔方之州，兼徐、梁、幽、并、夏、周之制，改雍曰凉，改梁曰益，凡十三部，置刺史。先王之迹既远，地名又数改易，是以采获旧闻，考变《诗》、《书》，推表山川，以缀《禹贡》、《周官》、《春秋》，下及战国、秦、汉焉。

京兆尹，故秦内史，高帝元年属塞国，二年更为渭南郡，九年罢，复为内史。武帝建元六年分为右内史，太初元年更为京兆尹。元始二年，户十九万五千七百二，口六十八万二千四百六十八。县十二：长安，高帝五年置。惠帝元年初城，六年成。户八万八百，口二十四万六千二百。王莽曰常安。新丰，骊山在南，故骊戎国。秦曰骊邑。高祖七年置。船司空，莽曰船利。蓝田，山出美玉，有虎山祠，秦考公置办。华阴，故阴晋，秦惠文王五年更名宁秦，高帝八年更名华阴。太华山在南，有祠，预州山。集灵宫，武帝起。莽曰华坛也。郑，周宣王弟郑桓公邑。有铁官。湖，有周天子祠二所。故曰胡，武帝建元元年更名湖。下邳，南陵文帝七年置。沂水出蓝田谷，北至霸陵入霸水。霸水亦出蓝田谷，北入渭。（师）古曰兹水，秦穆公更名以章霸动，视子孙。奉明，宣帝置也。霸陵，故芷阳，文帝更名。莽曰水章也。杜陵。故杜伯国，宣帝更名。有周右将军杜主祠四所。莽曰饶安也。

左冯翊，故秦内史，高帝元年属塞国，二年更名河上郡，九年罢，复为内史。武帝建元六年为左内史，太初元年更名左冯翊。户二十三万五千一百一，口九十一万七千八百二十二。县二十四：高陵，左辅都尉治。莽曰千春。栎阳，秦献公自雍徙。莽曰师亭。翟道，莽曰渎。池阳，惠帝四年置。山在北。夏阳，故少梁，秦惠文王十一年更名。《禹贡》梁山在西北，龙门山在北。有铁官。莽曰冀亭。衙，莽曰达昌。粟邑，莽曰粟城。谷口，九嵎山在西。有天齐公、五床山、仙人，五帝祠四所。莽曰谷喙。莲勺，酈，莽曰修令。频阳，秦厉公置。临晋，故大荔，秦获之，更名。有河水祠。芮乡，故芮国。莽曰监晋。重泉，莽曰调泉。郃阳，投袂，景帝二年置。武城，莽曰桓城。沈阳，莽曰制昌。襄德，《禹贡》北条荆山在南，下有强梁原。洛水东南入渭，雍州浸。莽曰德驩。微，莽曰泛爱。云陵，昭帝置也。万年，高帝置。莽曰昇赤。长陵，高帝置。户五万五十七，口十七万九千四百六十九。莽曰长平。阳陵，故弋阳，景帝更名。莽曰渭阳。云阳。有休屠、金人及径路神祠三所，越巫酈酈祠三所。

右扶风，故秦内史，高帝元年属雍国，二年更为中地郡。九年罢，复为内史。武帝建元六年分为右内史，太初元年更名主爵都尉为右扶风。户二十一万六千三百七十七，口八十三万六千七十，县二十一：渭城，故咸陽，高帝元年更名新城，七年罢，属长安。武帝元鼎三年更名渭城。有兰池宫。莽曰京城。

槐里，周曰犬丘，懿王都之。秦更名废丘。高祖三年更名。有黄山宫，孝惠二年起。莽曰槐治。郿，古国，有扈谷亭。扈，夏启所伐。鄠水出东南，又有潏水，皆北过上林苑入渭。有蒗阳宫，秦文王起。盖屋，有长杨宫，有射熊馆，秦昭王起。灵輶渠，武帝穿也。酈，周后稷所封。郁夷，《诗》“周道郁夷”。有潏水祠。莽曰郁平。美阳，《禹贡》岐山在西北。中水乡，周文王所邑。有高泉宫，秦宣太后起也。郿，成国梁首受渭，东北至上林入蒙笼渠。右辅都尉治。雍，秦惠公都之。有五时，太昊、黄帝以下祠三百三所。橐泉宫，孝公起。祈年宫，惠公起。栒阳宫，昭王起。有铁官。漆，水在县西。有铁官。莽曰漆治。枸邑，有幽乡，《诗》幽国，公刘所都。隃麋，有黄帝子祠。莽曰扶亭。陈仓，有上公、明星、黄帝孙、舜妻（官）（育）冢祠。有羽阳宫，秦武王起也。杜阳，杜水南入渭。《诗》曰“自杜”。莽曰通杜。潏，吴山在西，古文以为潏山。雍州山。北有蒲谷乡弦中谷，雍州弦蒲葦。潏水出西北，入渭。芮水出西北。东入泾。《诗》芮隃，雍州川也。好时，塙山在东。有梁山宫，秦始皇起。莽曰好邑。虢，有黄帝子、周文武祠。虢宫，秦宣太后起也。安陵，惠帝置。莽曰嘉平。茂陵，武帝置。户六万一千八十七，口二十七万七千二百七十七。莽曰宣城。平陵，昭帝置。莽曰广利。武功，太壹山，古文以为终南。垂山，古文以为敦物。皆在县东。斜水出衙领山北，至郿入渭，褒水亦出衙领，至南郑入沔。有垂山、斜水、（淮）（褒）水祠三所。莽曰新光。

弘农郡，武帝元鼎四年置。莽曰右队。户口一万八千九十一，口四十七万五千九百五十四。有铁官，在龟池。县十一：弘农，故秦函谷关。衙山领下谷，颍水所出，北入河。卢氏，熊耳山在东。伊水出，东北入雒，过郡一，行四百五十里。又有育水，南至顺阳入沔。又有潁水，东南至鲁阳，亦入沔。皆过郡二，行六百里。莽曰昌富。陕，故虢国。有焦城，故焦国。北虢在大阳，东虢在荥阳，西虢在雍州。莽曰黄眉。宜阳，在龟池有铁官也。龟池，高帝八年复龟池中乡民。景帝中二年初城，徙万家为县，穀出穀阳谷，东北至穀城入雒。莽曰陕亭。丹水，水出上雒冢领山，东至析入钧。密阳乡，故商密也。新安，《禹贡》涧水在东，南入雒。商，秦相卫鞅邑也。析，黄水出黄谷，鞠水出析谷，俱东至郿入湍水。莽曰君亭。陆浑，春秋迁陆浑戎于此。有关。上雒。《禹贡》雒水出冢领山，东北至巩入河，过郡二，行千七百里，豫州川。又有甲水，出秦领山，东南至钑入沔，过郡三，行五百七十里。熊耳、获舆山在东北。

河东郡，秦置。莽曰兆阳。有根仓、湿仓。户二十三万六千八百九十六，口九十六万二千九百一十二。县二十四：安邑，巫咸山在南，盐池在西南。魏

绛自魏徙此，至惠王徙大梁。有铁官、盐官。莽曰河东。大阳，吴山在西，上有吴城，周武王封太伯后于此，是为虞公，为晋所灭。有天子庙。莽曰勤田。猗氏，解，蒲反，有尧山、首山祠。雷首山在南。故曰蒲，秦更名。莽曰蒲城。河北，《诗》魏国，晋献公灭之，以封大夫毕万，曾孙绛徙安邑也。左邑，莽曰兆亭。汾阴，介山在南。闻喜，故曲沃。晋武公自晋阳徙此。武帝元鼎六年行过，更名。汉泽，《禹贡》析城山在西南。端氏，临汾，垣，《禹贡》王屋山在东北，沁水所出，东南至武德入河，轹出荥阳北地中，又东至琅槐入海，过郡九，行千八百四十里。皮氏，耿乡，故耿国，晋献公灭之，以赐大夫赵夙。后十世献侯徙中牟。有铁官，莽曰延平。长修，平阳，韩武子玄孙贞子居此。有铁官。莽曰香平。襄陵，有班氏乡亭。莽曰幹昌。髡，霍大山在东，冀州山，周厉王所奔。莽曰黄城。杨，莽曰有年亭。北屈，《禹贡》壶口山在东南。莽曰朕北。蒲子，绛，晋武公自曲沃徙此。有铁官。狐骀，骀。侯国。

太原郡，秦置。有盐官，在晋阳。属并州。户十六万九千八百六十三，口六十八万四千八百八十八。有家马官。县二十一：晋阳，故《诗》唐国，周成王灭唐，封弟叔虞。龙山在西北。有盐官。晋水所出，东入汾。葭人，界休，莽曰界美。榆次，涂水乡，晋大夫知徐吾邑。梗阳乡，魏戊邑。莽曰大原亭。中都，于离，莽曰于合。兹氏，莽曰兹同。狼孟，莽曰狼调。邬，九泽在北，是为昭馭祁，并州藪。晋大夫司马弥牟邑。孟，晋大夫孟丙邑。平陶，莽曰多穰。汾阳，北山，汾水所出，西南至汾阴入河，过郡二，行千三百四十里，冀州浸。京陵，莽曰致城。阳曲，大陵，有铁官。莽曰大宁。原平，祁，晋大夫贾辛邑。莽曰示。上艾，绵曼水，东至蒲吾，入虢池水。虢，阳邑，莽曰繁穰。广武。（河主）〔句注〕、贾屋山在北。都尉治。莽曰信桓。

上党郡，秦置，属并州。有上党关、壶口关、石研关、开井关。户七万三千七百九十八，口三十三万七千七百六十六。县十四：长子，周史辛甲所封。鹿谷山，浊漳水所出，东至鄆入清漳。屯留，桑钦言“绛水出西南，东入海”。余吾，铜鞮，有上厓亭，下厓聚。沾，大黽谷，清漳水所出，东北至邑成入大河，过郡五，行千六百八十里，冀州川。涅氏，涅水也。襄垣，莽曰上党亭。壶关，有羊肠阪。沾水东至朝歌入淇。洹氏，杨谷，绝水所出，南至野王入沁。高都，莞谷，丹水所出，东南入洹水。有天井关。潞，故潞子国。隋氏，阳阿，穀远。羊头山世靡谷，沁水所出，东南至荥阳入河，过郡三，行九百七十里。莽曰穀近。

河内郡，高帝元年为殷国，二年更名。莽曰后队，属司隶。户二十四万一千二百四十六，口百六万七千九十七。县十八：怀，有工官。莽曰河内。汲，武

德，波，山阳，东太行山在西北。河阳，莽曰河亭。州，共，故国。北山，淇水所出，东至黎阳入河。平皋，朝歌，纣所都。周武王弟康叔所封，更名卫。莽曰雅歌。脩武，温，故国，己姓，苏忿生所封也。野王，太行山在西北。卫元君为秦所夺，自濮阳徙此。莽曰平野。获嘉，故汲之新中乡，武帝行过更名也。轵，沁水，隆虑，国水东北至信成入张甲河，过郡三，行千八百四十里。有铁官。荡阳。荡水东至内黄泽。西山，羗水所出，亦至内黄入荡。有羗里城，西伯所拘也。

河南郡，故秦三川郡，高帝更名。雒阳户五万二千八百三十九。莽曰保忠信乡，属司隶也。户二十七万六千四百四十四，口一百七十四万二百七十九。有铁官、工官。敖仓在荥阳。县二十二：雒阳，周公迁殷民，是为成周。《春秋》昭公（二十二）（三十二）年，晋合诸侯于狄泉，以其地在成周之城，居敬王。莽曰宜阳。荥阳，卞水、冯池皆在西南。有狼汤渠，首受沛，东南至陈入颍，过郡四，行七百八十里。偃师，尸乡，殷汤所都。莽曰师成。京，平阴，中牟，圃田泽在西，豫州薮。有管叔邑，赵献侯自耿徙此。平，莽曰治平。阳武，有博浪沙。莽曰阳桓。河南，故郑鄆地。周武王行九鼎，周公致太平，营以为都，是为王城，至平王居之。缙氏，刘聚，周大夫刘子邑。有延寿城仙人祠。莽曰中亭。卷，原武，莽曰原桓。巩，东周所居。穀成，《禹贡》廛水出管亭北，东南入雒。故市，密，故国。有大騊山，濮水所出，南至临颍入颍。新成，惠帝四年置。蛮中，故戎蛮子国。开封，逢池在东北，或曰宋之逢泽也。成皋，故虎牢。或曰制。苑陵，莽曰左亭。梁，羗狐聚，秦灭西周徙其君于此。阳人聚，秦灭东周徙其君于此。新郑。《诗》郑国，郑桓公之子武公所国，后为韩所灭，韩自平阳徙都之。

东郡，秦置。莽曰治亭。属兖州。户四十万一千二百九十七，口百六十五万九千二十八。县二十二：濮阳，卫成公自楚丘徙此。故帝丘，颍项虚。莽曰治亭。（畔）观，莽曰观治。聊城，顿丘，莽曰顺丘，发干，莽曰戢楯。范，莽曰建睦。荏平，莽曰功崇。东武阳，禹治濮水，东北至千乘入海，过郡三，行千二十里。莽曰武昌。博平，莽曰加睦。黎，莽曰黎治。清，莽曰清治。东阿，都尉治。离狐，莽曰瑞狐。临邑，有沛庙。莽曰穀城亭。利苗，须昌，故须句国，大昊后，风姓。寿良，蚩尤祠在西北沛上。有胸城。乐昌，阳平，白马，南燕，南燕国，姁姓，黄帝后。廩丘。

陈留郡，武帝元狩元年置。属兖州。户二十九万六千二百八十四，口一百五十万九千五十。县十七：陈留，鲁渠水首受狼汤渠，东至阳夏，入涡渠。小

黄，成安，宁陵，莽曰康善。雍丘，故杞国也，周武王封禹后东楼公。先春秋时徙鲁东北，二十一世简公为楚所灭。酸枣，东昏，莽曰东明。襄邑，有服官，莽曰襄平。外黄，都尉治。封丘，濮渠水首受沛，东北至都关，入羊里水，过郡三，行六百三十里，长罗，侯国。莽曰惠泽。尉氏，僞，莽曰顺通，长垣，莽曰长固。平丘，济阳，莽曰济前。浚仪，故大梁。魏惠王自安邑徙此。睢水首受狼汤水，东至取虑入泗，过郡四，行千三百六十里。

颍川郡，秦置。高帝五年为韩国，六年复故。莽曰左队。阳翟有工官。属豫州。户四十三万二千四百九十一，口二百二十一万九百七十三。县二十：阳翟，夏禹国。周末，韩景侯自新郑徙此。户四万一千六百五十，口十成九千。莽曰颍川。昆阳，颍阳，定陵，有东不羹。莽曰定城。长社，新汲，襄城，有西不羹。莽曰相城。郾，郟，舞阳，颍阴，崇高，武帝置，以奉太室山，是为中岳。有太室、少室山庙。古文以崇高为外方山地。许，故国，姜姓，四岳后，太叔所封，二十四世为楚所灭。偃陵，户四万九千一百一，口二十六万一千四百一十八。莽曰左亭。临颍，莽曰监颍。父城，应乡，故国，周武王弟所封。成安，侯国也。周承休，侯国，元帝置，元始二年更名郑公。莽曰嘉美。阳城，阳城山，洧水所出，东南至长平入颍，过郡三，行五百里。阳乾山，颍水所出，东至下蔡入淮，过郡三，行千五百里，荆州浸。有铁官。纶氏。

汝南郡，高帝置。莽曰汝汾。分为赏都尉。属豫州。户四十六万一千五百八十七，口二百五十九万六千一百四十八。县三十七：平舆，阳安，阳城，侯国。莽曰新安。滢强，富波，女阳，鲟阳，吴房，安成，侯国。莽曰至成。南顿，故顿子国，姬姓。郎陵，细阳，莽曰乐庆。宜春，侯国。莽曰宜孱。女阴，故胡国。都尉治。莽曰汝坟。新蔡，蔡平侯自蔡徙此，后二世徙下蔡。莽曰新迁。新息，莽曰新德。潁阳，期思，慎阳，慎，莽曰慎治。召陵，弋阳，侯国。西平，有铁官。莽曰新亭。上蔡，故蔡国，周武王弟叔度所封。度放，成王封其子胡，十八世徙新蔡。浸，莽曰闰治。西华。莽曰华望。长平，莽曰长正。宜禄，莽曰赏都亭。项，故国。新鄆，莽曰新延。归德，侯国。宣帝置。莽曰归惠。新阳，莽曰新明。安昌，侯国。莽曰始成。安阳，侯国。莽曰均夏。博阳，侯国。莽曰乐家。成阳，侯国。莽曰新利。定陵。高陵山，汝水出，东南至新蔡入淮，过郡四，行千三百四十里。

南阳郡，秦置。莽曰前队。属荆州。户三十五万九千三百一十六，口一百九十四万二千五十一。县三十六。宛，故申伯国。有屈申城。县南有北筮山。户四万七千五百四十七。有工官、铁官。莽曰南阳。犂，杜衍，莽曰闰衍。鄆，

侯国。莽曰南庚。育阳，有南筮聚，在东北。博山，侯国。哀帝置。故顺阳。涅阳，莽曰前亭。阴，堵阳，莽曰阳城。雒，衡山，沔水所出，东至鄢入汝。山都，蔡阳，莽之母功显君邑。新野，筑阳，故穀伯国。莽曰宜禾。棘阳，武当，舞阴，中阴山，淅水所出，东至蔡入汝。西鄂，穰，莽曰农穰。郦，育水出西北，南入汉。安众，侯国。故宛西乡。冠军，武帝置。故穰卢阳乡、宛临骠聚。比阳，平氏，《禹贡》桐柏大复山在东南，淮水所出，东南至淮（陵）〔浦〕入海，过郡四，行三千二百四十里，青州川。莽曰平善。随，故国。厉乡，故厉国也。叶，楚叶公邑。有长城，号曰方城。邓，故国。都尉治。朝阳，莽曰厉信。鲁阳，有鲁山。古鲁县，御龙氏所迁。鲁山，淅水所出，东北至定陵入汝。又有昆水，东南至定陵入汝。舂陵，侯国。故蔡阳白水乡。上唐乡。故唐国。新都，侯国。莽曰新林。湖阳，故廖国也。红阳，侯国。莽曰红俞。乐成，侯国。博望，侯国。莽曰宜乐。复阳。侯国。胡湖阳乐乡。

南郡，秦置，高帝元年更为临江郡，五年复故。景帝二年复为临江，中二年复故。莽曰南顺。属荆州。户十二万五千五百七十九，口七十一万八千五百四十。有发弩官。县十八：江陵，故楚郢都，楚文王自丹阳徙此。后九世平王城之。后十世秦拔我郢，徙〔东〕〔陈〕。莽曰江陆。临沮，《禹贡》南条荆山在东北，漳水所出，东至江陵入阳水，阳水入沔，行六百里。夷陵，都尉治。莽曰居利。华容，云梦泽在南，荆州薮。夏水首受江，东入沔，行五百里。宜城，故郢，惠帝三年更名。郢，楚别邑，故郢。莽曰郢亭。郢，当阳，中庐，枝江，故罗国。江沱出西，东入江。襄阳，莽曰相阳。编，有云梦官。莽曰南顺。秭归，归乡，故归国。夷道，莽曰江南。州陵，莽曰江夏。若，楚昭王畏吴，自郢徙此，后复还郢。巫，夷水东至夷道入江，过郡二，行五百四十里。有盐官。高成。浈山，浈水所出，东入潯。潯水南至华容入江，过郡二，行五百里。莽曰言程。

江夏郡，高帝置。属荆州。户五万六千八百四十里，口二十一万九千二百一十八。县十四：西陵，有云梦官。莽曰江阳。竟陵，章山在东北，古文以为内方山。郢乡，楚郢公邑。莽曰守平。西阳，襄，莽曰襄非。郢，衡山王吴芮都。軫，故弦子国。鄂，安陆，横尾山在东北，古文以为陪尾山。沙羡，蕲春，郢，云社，下雒，莽曰闰光。钟武。侯国。莽曰当利。

庐江郡，故淮南，文帝十六年别为国。金兰西北有东陵乡，淮水出。属扬州。庐江出陵阳东南，北入江。户十二万四千三百八十三，口四十五万七千三百三十三。有楼船官。县十二：舒，故国。莽曰昆乡。居巢，龙舒，临湖，雩娄，决水北至蓼入淮，又有灌水，亦北至蓼入决，过郡二，行五百一十里。襄安，莽

曰庐江亭也。枞阳，寻阳，《禹贡》九江在南，皆东合为大江。濡，天柱山在南。有祠。泚山，泚水所出，北至寿春入芍陂。皖，有铁官。湖陵邑，北湖在南。松兹。侯国。莽曰涌善。

九江郡，秦置，高帝四年更名为淮南国，武帝元狩元年复故。莽曰延平。属扬州。户十五万五千二百，口七十八万五千二百二十五。有陂官、湖官。县十五：寿春邑，楚考烈王自陈徙此。浚道，成德，莽曰平阿。橐皋，阴陵，莽曰阴陆。历阳，都尉治。莽曰明义。当涂，侯国。莽曰山聚。钟离，莽曰蚕富。合肥，东城，莽曰武城。博乡，侯国。莽曰杨陆。曲阳，侯国。莽曰延平亭。建阳，全椒，阜陵。莽曰阜陆。

山阳郡，故梁。景帝中六年别为山阳国。武帝建元五年别为郡。莽曰巨野。属兖州。户十七万二千八百四十七，口八十万一千二百八十八。有铁官。县二十三：昌邑，武帝天汉四年更山阳为昌邑国。有梁丘乡。《春秋传》曰“宋、齐会于梁丘”。南平阳，莽曰龟平。成武，有楚丘亭。齐桓公所城，迁卫文公于此。子成公徙濮阳。莽曰成安。湖陵，《禹贡》“浮于泗、淮，通于河”，水在南。莽曰湖陆。东缙，方与，橐，莽曰高平。巨野，大野泽在北，兖州藪。单父，都尉治。莽曰利父。薄，都关，城都，侯国。莽曰城穀。黄，侯国。爰戚，侯国。莽曰戚亭。郛成，侯国。莽曰告成。中乡，侯国。平乐，侯国。包水东北至（沛）〔沛〕入泗。郑，侯国。瑕丘，鬲乡，侯国。栗乡，侯国。莽曰足亭。曲乡，侯国。西阳。侯国。

济阴郡，故梁。景帝中六年别为济阴国。宣帝甘露二年更名定陶。《禹贡》菏泽在定陶东。属兖州。户二十九万二千五百，口百三十八万六千二百七十八。县九：定陶，故曹国，周武王弟叔振铎所封。《禹贡》陶丘在西南。陶丘亭。冤句，莽改定陶曰济平，冤句县曰济平亭。吕都，莽曰祈都。葭密，成阳，有尧冢灵台。《禹贡》雷泽在西北。鄆城，莽曰鄆良。句阳，穰，莽曰万岁，乘氏。泗水东南至睢陵入淮，过郡六，行千一百一十里。

沛郡，故秦泗水郡。高帝更名。莽曰吾符。属豫州。户四十万九千七百九十九。口二百三万四千八百八十。县三十七：相，莽曰吾符亭。龙亢，竹，莽曰笃亭。穀阳，萧，故萧叔国，宋别封附庸也。向，故国。《春秋》曰“莒人入向”。姜姓，炎帝后。铎，广戚，侯国。莽曰力聚。下蔡，故州来国，为楚所灭，后吴取之，至夫差迁昭侯于此。后四世侯齐竟为楚所灭。丰，莽曰吾丰。郾，莽曰单城。谯，莽曰延成亭。蕲，鬲乡。高祖破黥布。都尉治。莽曰蕲城。洧，莽曰贡。辄与，莽曰华乐。山桑，公丘，侯国。故滕国，周懿王子错叔绣所封，三十一世为齐所

灭。符离，莽曰符合。敬丘，侯国。夏丘，莽曰归思。洨，侯国。垓下，高祖破项羽。莽曰育成。沛，有铁官。芒，莽曰博治。建成，侯国。城父，夏肥水东南至下蔡入淮，过郡二，行六百二十里。莽曰思善。建平，侯国，莽曰田平。酇，莽曰赞治。栗，侯国，莽曰成富。扶阳，侯国。莽曰合治。高，侯国。高柴，侯国。漂阳，平阿，侯国。莽曰平宁。东乡，临都，义成，祁乡。侯国。莽曰会谷。

魏郡，高帝置，莽曰魏城，属冀州。户二十一万二千八百四十九，口九十九万九千六百五十五。县十八：鄆，故大河在东北入海。馆陶，河水别出为屯氏河，东北章武入海，过郡四，行千五百里。斥丘，莽曰利丘。沙，内黄，清河水出南。清渊，魏，都尉治。莽曰魏城亭。繁阳，元城，梁期，黎阳，莽曰黎蒸，即裴，侯国。莽曰即是。武始，漳水东至邯鄲入漳，又有洹水，东北至邯鄲入白渠。邯鄲，侯国。阴安，平恩，侯国。莽曰延平。邯沟，侯国。武安。欽口山，白渠水所出，东至列人入漳。又有漫水，东北至东昌入摩池河，过郡五，行六百一里。有铁官。莽曰桓安。

巨鹿郡，秦置，属冀州。户十五万五千九百五十一，口八十二万七千一百七十七。县二十：巨鹿，《禹贡》大陆泽在北。紂所作沙丘台在东北七十里。南棘，莽曰富平。广阿，象氏，侯国。莽曰宁昌。廩陶，宋子，莽曰宜子。杨氏，莽曰功陆。临平，下曲阳，都尉治。贲，鄆，莽曰秦聚。新市，侯国。莽曰市乐。堂阳，有盐官，尝分为经县。安定，侯国。敬武，历乡，侯国。莽曰历聚。乐信，侯国。武陶，侯国。柏乡，侯国。安乡。侯国。

常山郡，高帝置。莽曰井关。属冀州。户十四万一千七百四十一，口六十七万一千九百五十六。县十八：元氏，沮水首受中丘西山穷泉谷，东至堂阳入黄河。莽曰井关亭。石邑，井陘山在西，洨水所出，东南至廩陶入泚。桑中，侯国。灵寿，中山桓公居此。《禹贡》卫水出东北，东入摩池。蒲吾，有铁山。大白渠水首受绵曼水，东南至下曲阳入斯洨。上曲阳，恒山北谷在西北。有祠。并州山。《禹贡》恒水所出，东入洨。莽曰常山亭。九门，莽曰久门。井陘，房子，赞皇山，（石）济水所出，东至廩陶入泚。莽曰多子。中丘，逢山长谷，洧水所出，东至张邑入（洧）〔洧〕。莽曰直聚。封斯，侯国。关，平棘，鄆，世祖即位，更名高邑。莽曰禾成亭。乐阳，侯国。莽曰畅苗。平台，侯国。莽曰顺台。都乡，侯国。有铁官。莽曰分乡。南行唐。牛饮山白（陆）〔陆〕谷，滋水所出，东至新市入摩池水。都尉治。莽曰延亿。

清河郡，高帝置。莽曰平河。属冀州。户二十万一千七百七十四，口八十七万五千四百二十二。县十四：清阳，王都，东武城，绎幕，灵，河水别出为鸣